



Na osnovu člana 70. st. (1) i (3) Zakona o javnim nabavkama („Službeni glasnik Bosne i Hercegovine“ broj 39/14, 59/22 i 50/24), člana 48. Pravilnika o javnim nabavkama „Elektroprenos – Elektroprijenos BiH“ a.d. Banja Luka, člana 67. Statuta „Elektroprenos – Elektroprijenos BiH“ a.d. Banja Luka, Zapisnika o pregledu i ocjeni ponuda broj: JN-OP-663-15/2024 od 17.10.2024. godine, Dopune zapisnika o pregledu i ocjeni ponuda nakon E – aukcije broj: JN-OP-663-17/2024 od 29.10.2024. godine i preporuke Komisije za javne nabavke date u Dopuni zapisnika, u postupku javne nabavke broj: JN-OP-663/2024 – Nabavka usluga deminiranje trase DV prema projektu ID 55115 – trasa dalekovoda 220 kV Srednji Dubovik, Generalni direktor „Elektroprenos – Elektroprijenos BiH“ a.d. Banja Luka, donosi

O D L U K U

o izboru najpovoljnijeg ponuđača

I

Za najpovoljnijeg ponuđača u postupku javne nabavke JN-OP-663/2024 – Nabavka usluga deminiranje trase DV prema projektu ID 55115 – trasa dalekovoda 220 kV Srednji Dubovik, izabran je ponuđač NHO IN DEMINING Pale sa ponudom broj 11-09/24 od 24.09.2024. godine (koja je kod Ugovornog organa zaprimljena pod brojem: JN-OP-663-10/2024 dana 26.09.2024. godine), sa ukupno ponuđenom cijenom od **24.790,00 KM bez PDV-a** (29.004,30 KM sa PDV-om).

II

Ova Odluka stupa na snagu danom donošenja.

O b r a z l o ž e n j e

„Elektroprenos – Elektroprijenos BiH“ a.d. Banja Luka, kao Ugovorni organ (u daljem tekstu: Ugovorni organ) na osnovu Odluke o pokretanju postupka javne nabavke broj: JN-OP-663-2/2024 od 08.07.2024. godine, proveo je otvoreni postupak javne nabavke JN-OP-663/2024 – Nabavka usluga deminiranje trase DV prema projektu ID 55115 – trasa dalekovoda 220 kV Srednji Dubovik. Za predmetni postupak javne nabavke objavljeno je obavještenje o nabavci broj: 1280-1-2-130-3-294/24 od 05.09.2024. godine na Portalu javnih nabavki BiH. Procijenjena vrijednost nabavke bez PDV-a iznosi 25.000,00 KM.

Za provođenje predmetnog postupka nabavke, Ugovorni organ je Rješenjem broj: JN-OP-663-3/2024 od 08.07.2024. godine, imenovao Komisiju od 5 (pet) članova.

Komisija za predmetnu javnu nabavku je blagovremeno i pravilno izvršila otvaranje ponuda dana 27.09.2024. godine, o čemu je sačinila Zapisnik sa otvaranja ponuda broj: JN-OP-663-14/2024, u kojem je konstatovano da su ukupno pristigle 5 (pet) ponude i to:

1. UEM d.o.o. Orašje
2. POINT d.o.o. Orašje

3. NHO IN DEMINING Pale
4. DETEKTOR d.o.o. Banja Luka
5. DCM MEDIA d.o.o. Banja Luka

Komisija za javnu nabavku je izvršila pregled i ocjenu ponuda, o čemu je sačinila Zapisnik o pregledu i ocjeni ponuda, broj: JN-OP-663-15/2024 od 17.10.2024. godine, u kojem je konstatovano, da su u postupku javne nabavke JN-OP-663/2024 – Nabavka usluga deminiranje trase DV prema projektu ID 55115 – trasa dalekovoda 220 kV Srednji Dubovik:

- Sve pristigle ponude blagovremene.

-Ponude ponuđača: UEM d.o.o. Hadžići, POINT d.o.o. Orašje, NHO IN DEMINING Pale i DETEKTOR d.o.o. Banja Luka su prihvatljive, jer su u svemu ispunile zahtjeve tražene tenderskom dokumentacijom, te su bile predmet E-aukcije.

-Ponuda ponuđača DCM MEDIA d.o.o. Banja Luka je neprihvatljiva, jer nije ispunile zahtjeve tražene tenderskom dokumentacijom, zbog čega je odbačena u skladu sa članom 68. stav (1) Zakona o javnim nabavkama („Službeni glasnik BiH“, broj 39/14), jer ponuđač nije dokazao tehničku i profesionalnu sposobnost. Naime, ponuđač DCM MEDIA d.o.o. Banja Luka je u sastavu svoje ponude, na strani 26. dostavio potvrdu o izvršenom ugovoru koja nije potpisana od strane druge ugovorne strane. Uvidom u predmetnu potvrdu utvrđeno je da je izdavalac potvrde ugovorna strana China State Construction Engineering Corporation Limited Poslovnica Banja Luka, u kojoj je na mjestu gdje je predviđen potpis ovlaštenog lica ugovorne strane/izdavaoca potvrde, otkucano ime umjesto da je potvrda ovjerena svojeručnim potpisom.

Tačkom 15.1 tenderske dokumentacije je definisano da će ponuda ponuđača biti odbačena ukoliko ponuđači nisu ispunili zahtijevane minimalne uslove. Kao minimalni uslovi zahtijevano je uspješno iskustvo ponuđača u izvršenju najmanje jednog ugovora u vrijednosti od 25.000,00 KM. Takođe, tačkom 15.2. je definisano da će se ocjena tehničke i profesionalne sposobnosti ponuđača, u skladu sa članom 50. ZJN, izvršiti na osnovu spiska izvršenih ugovora i potvrde o uredno izvršenim ugovorima koje je izdala druga ugovorna strana, čija je minimalna ukupna ugovorena vrijednost 25.000,00 KM, a koje obavezno sadrže: naziv i sjedište ugovornih strana, predmet ugovora, vrijednost ugovora, vrijeme i mjesto izvršenja ugovora i navode o urednom izvršenju ugovora. **Potvrda o uredno izvršenom ugovoru treba biti potpisana i ovjerena od strane druge ugovorne strane.**

S obzirom da je tačkom 15.2 b) tenderske dokumentacije zahtijevano da ponuđači uz spisak izvršenih ugovora dužni da dostave potvrde koje **trebaju biti potpisane** i ovjerene od strane druge ugovorne strane, ocijenjeno je da predmetna potvrda ne sadrži sve bitne elemente zahtijevane tenderskom dokumentacijom, zbog čega ponuđač DCM MEDIA d.o.o. Banja Luka nije ispunio uslove tehničke i profesionalne sposobnosti ponuđača propisane tačkom 15. tenderske dokumentacije. Razlozi za odbacivanje ponude detaljno su opisani i u u Zapisniku o pregledu i ocjeni ponuda, broj: JN-OP-663-15/2024 od 17.10.2024. godine,

Imajući u vidu da je ponuda ponuđača DCM MEDIA d.o.o. Banja Luka odbačena, ista nije bila predmet E-aukcije.

Komisija za javnu nabavku dostavila je Generalnom direktoru i Dopunu zapisnika o pregledu i ocjeni ponuda nakon E-aukcije broj: JN-OP-663-17/2024 od 29.10.2024. godine sa preporukom o izboru najpovoljnijeg ponuđača u postupku javne nabavke JN-OP-663/2024 – Nabavka usluga deminiranje trase DV prema projektu ID 55115 – trasa dalekovoda 220 kV Srednji Dubovik.

“Elektroprenos Bosne i Hercegovine” a.d. Banja Luka
78000 Banja Luka, Marije Bursać 7a,
Tel. +387 51 246 500, Fax: +387 51 246 550
Operativna područja:
Banja Luka, Sarajevo, Mostar i Tuzla

IB: 402369530009
MB: 11001416
BR: 08-50.3.-01-4/06
Ministarstvo pravde BiH
Sarajevo

Korisničke banke i brojevi računa
Nova Banka a.d. 5550070151342858
UniCredit Bank a.d. B. Luka 5510010003400849
Raiffeisen Bank 1610450028020039
Atos Bank a.d. Banja Luka 5672411000000702
NLB Banka 1320102011989379

U postupku donošenja ove Odluke, posebno su cijenjene činjenice da je Komisija pravilno i potpuno izvršila ocjenu kvalifikovanosti ponuđača, te ocjenu prispjelih ponuda, u skladu sa kriterijumima iz tenderske dokumentacije.

Uvidom u priloženu dokumentaciju, uzimajući u obzir kriterijum najniža cijena, nesporno je da je izabrani ponuđač najbolje ocijenjen.

Zbirna tabela sa rangiranjem ponuđača nakon provedene E-aukcije za predmetnu nabavku:

Rang	Naziv ponuđača	Konačna cijena ponude nakon provedene E-aukcije u KM bez PDV-a
I	NHO IN DEMINING Pale	24.790,00
II	DETEKTOR d.o.o. Banja Luka	24.799,76
III	POINT d.o.o. Orašje	24.916,74
IV	UEM d.o.o. Hadžići	24.916,74

Iz navedenih razloga, primjenom člana 64. stav 1. tačka b) Zakona o javnim nabavkama, odlučeno je kao u članu 1. ove Odluke.

Prijedlog ugovora o nabavci dostaviće se na potpis izabranom ponuđaču po isteku roka od 15 dana, računajući od dana kada su svi ponuđači obaviješteni o izboru najpovoljnije ponude.

Ugovorni organ će dostaviti prijedlog ugovora onom ponuđaču čija je ponuda po rang-listi odmah nakon ponude najuspješnijeg ponuđača u slučaju da je ispunjen neki od uslova iz člana 72. stav (3) Zakona o javnim nabavkama.

Ova Odluka će se dostaviti svim ponuđačima koji su učestvovali u postupku javne nabavke i objaviće se na web stranici www.eleprenos.ba istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

POUKA O PRAVNOM LIJEKU

Protiv ove Odluke može se izjaviti žalba Kancelariji za razmatranje žalbi putem Ugovornog organa, najkasnije u roku od 10 (deset) dana od dana prijema ove Odluke, na adresu:

"Elektroprenos – Elektroprijenos BiH" a.d. Banja Luka, ul. Marije Bursać 7a, 78 000 Banja Luka.

Dostaviti:

- Ponuđačima,
- Direkciji 02,
- Evidenciji.



Generalni direktor

Mato Žarić, dipl. ing. el.

"Elektroprenos Bosne i Hercegovine" a.d. Banja Luka IB: 402369530009
78000 Banja Luka, Marije Bursać 7a, MB: 11001416
Tel. +387 51 246 500, Fax: +387 51 246 550 BR: 08-50.3.-01-4/06
Operativna područja: Ministarstvo pravde BiH
Banja Luka, Sarajevo, Mostar i Tuzla Sarajevo

Korisničke banke i brojevi računa
Nova Banka a.d. 5550070151342858
UniCredit Bank a.d. B. Luka 5510010003400849
Raiffeisen Bank 1610450028020039
Atos Bank a.d. Banja Luka 5672411000000702
NLB Banka 1320102011989379